

تورک موسیقی نظریاتی

علمك اڭ صوك اصولرينه كوره تورك موسيقيسنگ مستند اولديغى نظرى
قاعدهلرى تثبيت و بو قاعدهلرك مىللى موسيقيمىزك عملياتنه نه صورتله
تطبيق ايديلهجكنى ايضاح ايدر نظرى و عملى بر اثر در

مؤلفى

رؤف يكتا

(دارالان) ده تورك موسيقيسى نظريات و تاريخى معلمى

بو صحيفه سنده مؤلفك مهرى بولمىيان نسخهلر ساخته در

استانبول

(نمود بك) مطبعهسى - ابو السعود جاده سنده نومرو ۷۲

۱۳۴۳-۱۹۲۴

تلك اهتزاز ايقه يوب ثابت قالان نقطه لرينه (عقده — Noeud) ، و اڭ زياده
وسعتله (Amplitude) اهتزاز ايدن نقطه لرينه ده (بطن — Ventre) تعبير اولونور .
اهتزاز ايتديريلن بر تلك موازنت وضعيتدن بر طرفه كيدوب كلهسى مجموعندن
تشكل ايدن حركت اهتزازيه (تام اهتزاز) ، و يالنگز بر طرفه كيمه سنه ويا كله سنده
(بسيط اهتزاز) ناملرى و يريلور .

اجسامك اهتزازندن بر (صوت) حاصل اوله بيلمهسى ايچون اهتزازك «سرعتله»
وقوعى شرطدر ؛ مثلاً بر اوجى بر طرفه صقيجه ربط ايدلش اوزون معدنى بر
چيوغى (شكل ۳) موازنت وضعيتدن انحراف ايتديره رك حال اصليسنه براقه جق
اولور ايسه ك بو چيوغك غايت بطى صورته ايكى طرفه كيدوب كلديكى كوريلور .

ايسه ده (صوت) حاصل ايتديكى ايشيدلار . مع هذا
عنى چيوغك تدريجاً قيصالتيلير ايسه اهتزازات ده
اونستده سرعتلر و بونك نتيجهسى اوله رق معدنى
چيوغدن بر (صوت) ايشيدللك باشلار . ابتدا غايت
پست بر درجه ده اولان بو (صوت) ، معدنى چيوغك
اهتزاز ايدن قسى نه قادر قيصالتيلير و بناء عليه اهتزازات
عددى نه قادر تسريع ايديلير ايسه اونستده تيزلشير .
اصوات محسوسه نك حدودى — قولاغىزك
دويه بيلديكى اڭ پست و اڭ تيز صوتلك مجموعنه (اصوات
محسوسه) ديلمشدر . (اصوات محسوسه) نك پستلك
وتيزلكجه حدودى عييا نرملر قادر وارير ؟ (ده سپره چ)
طرفندن بو خصوصه اجرا ايديلن صوك تجربه لردن
آكلاشلايدغنه كوره قولاغىزله دويه بيلديكمز اڭ پست
صوتلر ثابته ده (۳۲) بسيط اهتزازدن [۱] ، و اڭ
تيز صوتلرده ينه ثابته ده (۷۳۷۰۰) بسيط اهتزازدن حصوله كلكده در .



[۱] انكازه و آلمانيا نظريه جيلرى ، تلك بر طرفه كيدوب كلهسى مجموعنه اطلاق ايديلن
(تام اهتزاز) ي «بر» اهتزاز اعتبار ايتديكلى حالده فرانسىزلر بالعكس (تام اهتزاز) ي
«ايكى» اهتزاز اوله رق صايارلر ؛ شوالده برنجيلره كوره (اصوات محسوسه) نك اڭ پستى
(۱۶) ، و اڭ تيزى (۳۶۸۵۰) «تام اهتزاز» دن متحصل عد اولور . بز بو اثر سنده
فرانسىزلرك مسلككى تعقيب ايدرك عدد اهتزازلرى هپ (بسيط) اعتباريله كوستردك .



اتحاد

تورك موسيقيسى نظرياتندن باحث اوله رق لسانغزده برنجى دفعه
يازيلان بواىرى موقع انتشاره چيقارر كن مى موسيقيمىزك مستند
اولدينى نظرى قاعده لر حقنده مؤلف عاجزه ايلك فكرلىرى
ويرمش اولان خواجه ادراك وعرفانم سابقا (يكى قيو) مولويخانه سى
شىخى مرحوم (جلال الدين) افنديك مقدس خاطره سنى لسان حرمتله تعريز و تبجيل
ايمىكى وجدانى بر وظيفه عد ايلرم .

كچى سنه دن اعتباراً (دارالالحان) ده دخى تدريس ايدلمكده بولتان (تورك موسيقيسى
نظرياتى) ، ايكى سنه مقدم مرحوم مشاراليهك حفيدى و درگاه شريفك پوست نشين
لاحق (عبدالباقي) افندى حضرتلرينك مخدومى غوثى افندى يه اوقوتلىق اوزره
تأليف و بومناستله (رساله غوثيه) توسيم فلمش ايدى .

بناء عليه ، اصل اسمى (غوثيه) اولان بو كتابى - جدمكرملرندن ايتديكم
بي بايان استفاده لرمك وجيئه شكرانى ايفا اچون - خفيد نجيملرى تليد كزيم
غوثى افندى يه اتحاد ايدىورم .

رؤف يكتا

بكارىكى ۹ تفرين اول ۱۳۴۰



ISTANBUL
KÜŞEHİR
KUTUPHANESİ
ATATÜRK KİTAPLIĞI



مقدمه دن اول برقاچ سوز

تورکیده بوکونه قادار (موسیقی نظریاتی) نامی آلتنده متعدد کتابلر نشر اولنش ایسهده بونلرک برقمی غرب موسیقیسی نظریاتدن باحث اجنبی اثرلردن ترجمه ایدیلرک تورک موسیقیسیله بالطبع هیچ مناسبتی بولمیان قواعدی عیناً احتوا ایتمکده، برقمی ده ربع عصر دن بری غزته رده ورسائل موقوتده نشر ایتدیکم مقاله لرک اوته سندن بری سندن اقتباس اولنه رق بر آره به کتیریلن و موسیقیمزک کندیسنه مخصوص نظریه سی حقنده قارئلره - ولوکه مختصر اولسون - برفکر دخی ویره مین ناقص و متفرق برطاقم معلوماتی مشتمل بولمقدهدر .

بلا تردد ادعا ایدیلرک حقیقی تورک موسیقیسنک دقیق نغمه لرینی ، روح پرور مقاملرینی ، متنوع و منتظم ایقاعلرینی ، و بواج عنصر اساسینک استناد ایتدیکی و یکدیگرله برلشمه سنک تابع بولندی قاعده لری تمامیه علمی و عصری اصولره توفیقاً ایضاح ایدن الله بر کتبموجود دکلدر .

فن و علم شعبه لرینک هر برینه دائر جداً قیمتدار اثرلره مزین بولنان ملی کتبخانه مزک (موسیقی) کبی مدنی احتیاجاتک اکر برخیلرندن اولان عالی بر علمه ، وبالخاصه بو علمک (تورک موسیقیسی) عنوانی تحتنده کی مستقل و ممتاز بر مبحثه متعلق نظری و عملی معلوماتی جامع کوچوک بر اثره بیله مالک بولنامسی بزم ایچون نه قادار موجب تأسف بر محرومیت اولدینی شهه سزدر .

شرقد و غربده بیتش موسیقی علماسنک الاسکی والیککی مؤلفاتی اوزرنده یاپیش اوزون تبه لرک محصولی اولان بواثر ناچیزک تحریر و نشر نده کی مقصد ، ملی کتبخانه مزک ایشته بومهم بوشلغنی علی قدر الامکان دوله بر مقصدن ، و بو وسیله ایله سوکیلی ملتک صنایع نفیسه ساحه سنده کی مستثنی قابلیتینی و بدیی دهاسنی اکر زیاده تمیل ایدن سامعه نواز موسیقینک یار و اغیار نظر نده حقیقی وجهله آکلاشلما سنه عاجزانه خدمت ایده بیلمکدن عبارتدر . صحائف آتیه ایله استحصال مقصده موفق اوله بیلر ایسم شمدی به قادار بو اوغورده اختیار ایتدیکم مادی و معنوی فدا کارلارک مکافاتنی کورمش اولورم که بویه بر مظهریت ، بجه مکافاتلرک اکر قیمتداریدر . . .

ر . ی .

تورک موسیقیسی نظریاتی

مقدمه

موسیقی بر لساندر

نهوت ! موسیقی ، اول امرده بر لساندر ؛ همده اکر مکمل لسانلردن زیاده تصویر و احساس قدرتی حائز بر لساندر . کرچه تصویری مطلوب اولان موضوعی تعیین ایده بیلمه سی اعتباریه موسیقی ، اکر ابتدائی لهجه لردن بیلدهاها مهم و داها غیرمعین و سائطله مجهز بولمقدهدر ؛ آنجق بوکا مقابل ، افاده قابلیتده اویله برشته ، هیجان احساسنده اودرجه براقداره مالکدرکه تکلم اولنان لسانلردن هیچ بری بوبابده موسیقی ایله رقابت ایده مز .

لسانلر ایله موسیقی آره سنده برچوق جهتلردن مشابعت و مناسبت وارددر . فی الحقیقه بتون لسانلر کبی « لسان الحان » اولان « موسیقی » نکیده متنوع تکلم طرز لری بولندیغنی کور بیورز ؛ قبا و عوامه مخصوص بر موسیقی اولدینی کبی خواصده کندیلرینه مخصوص یوکسک و عالمانه بر موسیقی ایله علاقه دار اولمقدهدر . کذلک موسیقی لساننک امللا قاعده لری ، اشتقاق اصوللری ، صرف و نحو قاعده لری اولدیغندن بولسانده آرز چوق بر مکملیتله تکلم وینه آرز چوق دوغریلقله تحریر اوله بیلر .

موسیقی لساننک تحصیل دیگر لسانلر ککنه پک زیاده بکیزدر : کوچوک یاشندن اعتباراً موسیقی اوکر نه که باشلایانلر بونی قولایلقه الله ایتدکاری حالده یاشلری ایلرله دکن صوکرده بوفه انتساب ایدنلر چوق مشکلاته تصادف ایدرلر و نهایت حقیقه برشی اوکر نه میهرک اکثریا تحصیللرینی یاری یولده بر اقرلر . بتون لسانلر کبی (موسیقی) ده یا « عملی » و یا « نظری » اوله رق تعلم ایدیلر .

(موسیقی) نک ثروت و تنوع جهتیله پک عالی درجه نی حائز خصوصی ادبیاتی موجوددر . ادبیاتده « ادیب » لک موقعی نه ایسه موسیقیده دخی « بسته کار » عینی موقعی اشغال ایدر . خواننده و سارنده لکده مهارتک اکر یوکسک مرتبه سنه ارتقا ایدن « موسیقارلر » ایسه (Virtuoses) ، شعر انشادنده

ماهر «ناشدلر» كى بىستەكارلارك حسياتنه ترجان اولان صنعتكارلردر . بونلردن ناشدلرك النده «كلەر» و موسيقارلارك النده «نغمه» بولنقده ايسهده مقصدلى يكدىكرىنك عيىدركه اوده سامعهده «بدىي هيجان حصوله كىتمك» ويا هيچ اولمازسه «علاقه سنى تحريك اوده جك روحى برحالت احضار ايتك» در . بونك ايچوندركه بعض مؤلفلر موسيقى به «حياتك بتون احتساساتى آهنگدار برفاده ايله ترنم ايدن شامل وعمومى برلسان» نظريه باقارلر .

(موسيقى) ايله (لسانلر) بىننده كى دىكر بر مشاهيذه (موسيقى) نك طبق لسانلركى - مدينك ترقايتى تعقيب ومختلف دورلرك وهر مملكتك احتياجلرينه توافق ايدهرك - لايىققطع ومع مافيه آغير ومنطقي برتكامله تبعاً تحول ايتمه سيدر .

§

موسيقى برصناعتدر

(موسيقى) ، عىنى زمانده هم برصناعت (Art) ، همده بر علم (Science) در. واقعا (موسيقى) ، اساساً بر (صناعت) در؛ وشبهه سز صناعتلرك اك دقيقى ، اك غير ماديسى واك قرارسزيدر .

«معمار» ك الى آلتنده جسيم طاش پارچهلر بولنور ، و آنلرك ترتيب وتنظيمى فكرىنى اشغال ايدر . «رسام» . موشامباسى اوزرينه غير محدود بر زمان ايچون باقى قالدق رنكلرى نثيت ايدر . «شاعر» ، وجوده كىتره چكى انرك تركينه داخل اوله جق ابتدائى موادى اولجه حاضر لاش بر حالده كندى لسانك كلهرى آره سنده بولور . حال بوكه - اسلافك مشهور بر تشببى وجهله - مشاهيسى «هوايه دو كوم باغلامق» دن فرقلى اوليان «موسيقى شناس» واسع بر بوشلق ايچنده چالشمق مجبور بىننده در؛ سانحه سنه وقت وورد ايتمكه بر ابروردنله افتراقى آره سنده چوق زمان كىمه ين نغمه شكللى ... ايشته بر (موسيقى شناس) ك يكانه سرمايه سى بونلردن عبارتدر ؛ وموسيقى شناس يالكز بو سرمايه سييله دركه سامعه سى تلذذ ، فكرى متحسس ، بعضاده روحى متهيج ايتك ايچون چالشمققددر .

مع مافيه دىكر برنقطه نظر دن باقىليرسه (موسيقى) ايله (شعر) آره سنده مشاهيت بولنمىلير ؛ زيرا شاعر ناصلكه (كلهر) ايله اشتغال ايدرسه موسيقى شناسده (نغمه) ايله مشغول اولور ؛ شاعر كى موسيقى شناسده (وزن) و (آهنگ) قانونلرينه شدتله تابعدر وينه شاعر كى سامعه واسطه سييله فكره . قلبه ، روحه تاثير اجرا ايدم بيلمك لزومى حس ايدر .

بعض مؤلفلر دىخى (موسيقى) ايله (معمارى) بىننده مشاهيت بولورلر . بر موسيقى ازينك مختلف اقسامى آره سنده كى تناسبك موسيقيده ندرجه اهميتى حائز اولديغى تقدير ايدنلر نرذنده - ولوكه اوآر كوچوك بر «شرقى» اولسون - موسيقى ايله معمارىنك بربرينه تشببى داها مصيب عداولنور .

غرب مشاهير ندىن برذات موسيقى حقنده (نغماتك معماريسى) تعبيرى قوللا نمشدركه چوق دوغرى بر تشببدر ؛ مثلاً (سليمانيه) جامع شريفى وياخود (آياصوفيه) جوارنده كى (اوچنجى سلطان احمد) ك چشمه سى معمارى آهنگنك برر شاه اثرى اولدقلى كى (عطرى) نك (نوا) ، و (دده افندى) نك (فرحفر) كارلرى ده نغمه لرك معماريسى اولان موسيقينك محشم وطنان برر آبدلريدر .

§

موسيقى بر علمدر

برصناعت ، اول امرده عملى اوله رق وجوده كلدكدن صوكره اوصناعتك مستند اولدينى قانونلرى بولق ايچون اربابى طرفدن تتبعات اجرا وبو تبعلر نتيجه سنده علمى قسمى تدوين ايديلر . (صناعت علمسز اولماز) سوزى ايشته بو حقيقتى افاده ايدر . موسيقيده دىخى بويله اولشدر : اولاً ، (موسيقى صناعتى) دوغوش (موسيقى علمى) ايسه مؤخرأ اوصنعت دن استخراج ايدلشدر .

قدمانك موسيقى (علوم رياضيه) اقسامندن عدايمهلر بكونكى فكرلرده توافق ايدر ؛ چونكه بوتون تدقيقات وتحليلاتك نتيجه سى كوسترييوركه بر موسيقى اثرىنك ميدانه كله سنده مدخلدار بولان عناصر وعوامل ايله بونلرك حكمت وجودىنك ايشاحى آنجى رقلر واسطه سييله ممكن اوله بيلمكده در .

بوعناصر وعوامله شويله برنظر عطف ايدرسه ك آكلارزكه (ايقاع Rythme) دينيلن موسيقى وزنى ، كرك اك بسيط شكلنه افراغ ايدلسون وكرك اك قاريشيق اوضاعده مرتب بولنسون ، واحد قياسى اعتبار ايديلن «زمان» ك مساوى وغير مساوى ومع هذا دائماً «متناسب» قسملره آيرماسندن بشقه برشى دكلدر . نغمه لرده (تيزلك Hauteur) دينيلن كيفيت ، تحريك ايديلن بر جسم متصونك معين بر زمانده حصوله كىتردىكى اهتزازات عددىنك «چوقلغندن» ايلرى كلكده در .

نغمه نك قوتلى وجهير اولماسنه اطلاق ايدىلن (جهارت) ك Intensity سېيى ، عىنى اهترازاتك « وسعتندن » وهوای محیطى شدته حرکته کتيرمه سندن نشات اتمکده در . (طنت) (Timbre) ، نغمه نك چيقاران موسيقى آلتك صورت تشكىل و اعماليله چيقاردى نغمه نك رفاقت ايدن (اصوات آهنگيه) دن [۱] حاصل اولمقده در .

يکديکرى متعاقباً قولاغمره واصل اولان ايکى مختلف نغمه نك آره سنده ملايمت بولمقلمزك سېيى دىخى اونغمه نك چيقاران تللك طوللرى ويا عىنى نغمه نك عدد اهترازلرى بېننده « عددى نسبتى » كك معتبر و مقبوللرى بولماسندن عبارتدر .

موسيقى صناعتك هر بىخى ، نهايت رقلله كوسترله سى قابل برشكه افراغ اولنه بيلديكى كى (مبحث صوت) ايله رياضى علملك ثابت قانونلرى ياردميله دىخى بتون موسيقى حادثه لرينك تحليل و ايضاحى ممكن اولمقده در .

شوايضا حادىن آكلاشيله شدركه (موسيقى) ، هم برلسان ، هم بر صنعت ، هم دهر علمدر ؛ ايجابه كوره موسيقى به عايد بالجه مسئله لر ، موسيقينك بواج صفحه سى نظر اعتباره آله رق محاكمه ايديلير سه حقيقت حال داهدا قولاي نظاير ايتمش اولور . (موسيقى) نك بر (لسان) اولماسى ، انسانلره جناب حقك بر موهبه سى بولماسى اعتباريله در ؛ زيرا « نغنى » ، انسانلر ايجون « سوز » ويا ساده جه « ندا » و « باغمره » قادار طبيعى برشيدر . حتى ايلك انسانلر نژنده يالکيز ندا ويا باغروب چاغيرمه صورتيه افاده مرام اتمه نك ، « تهجى » طريقه تكميلدن اول باشلايدى ظن ايدلمکده در .

فكر بشرک محصولى اولماسى اعتباريله (موسيقى) بر (صنعت) در . فخر بشر ، طبيعتك حاضر لادىنى شيليرى دائما برقات داهدا كوزلاشديرمك ، شاعرانه برشكه افراغ ايتك ، غايه خياله ياقلاشديرمق ايسته ديكى جهته موسيقى ده فخر بشرک بو خصوصده كى تمايلاتنه تبعاً و متادياً ترقى يولنده ايلريله مش و بوگونكى حاله واصل اولمشدر .

[۱] اهتراز ايتديريلن بر تللك بوتون اوزونلغجه چيقاردىنى صوت اصلدن ماعدا عىنى تللك اعداد طبيعى دهره سياله نصقى ، اوچده برى ، درنده برى ... كى اقباسى ده برلكده اهتراز ايتدىكى و بو حادته نك تللردن باشقه ديكر اجسام متصوته ده دىخى وقوعه كلديكى بالتجربه آكلاشيله بناءً صوت اصليه رفاقت ايدن بوضوللره اصوات آهنگيه (Sons harmoniques) نسيبه اولمشدر . بو اوضوانه دائر ايلريده مفصل معلومات ويره جكز .

(صنعت) نه قدر فياض و واسع بر ساحه ايسه (علم) ده اوقدر جاذبه سز و روح سز بر زمين محدود اولديغندن موسيقينك (علم) اولان قسمى بر طاقم رقلر ، دستورلر ايله مالا مالدر . مع هذا بخار ماكنه لر نده موازنه نى تاسيس و اداميه خدمت ايدن رفاصلر ، امنيت آللارى كى بوراقم و دساتيرده موسيقى به حاكم اولان طبيعى قانونلرک خللدن محافظه سنى تايمين ايدرلر .

خلاصه كلام (موسيقى) ، اولابر (لسان) حالنده ايكن آندن (صنعت) دوغمش و متعاقباً (علم) ميدانه كلهر ك بر طرفدن (صنعت) ي ايضاح و تايد اتمكه برابر ديكر طرفدن آكاتر قى يولنى كوستر مش و بعض كره دىخى صناعتك تهلىكلى و چيقماز يوللره صابماسنه مانع اولمشدر .

عصر مزده على الاطلاق (موسيقى) به نه نظرله باقيلديغى اجمالاً ايضاح ايدن و حاوى اولديغى فكر و مطالعه لر ، آلمان حكمت شناسلردن (هلمهولج) ك (موسيقينك نظريه فيزيولوژيه سى) عنوانلى اثريله فرانسه عالملردن (لاوينياق) ك (تربيه موسيقيه) نامنده كى كتابندن اقتباس ايدلش بولان بو مقدمه دن صوكره بوجه آتى اصل مقصده شروع ايدىورز .



İSTANBUL
BÜYÜKŞEHİR
BELEDİYESİ
ATATÜRK KİTAPLIĞI

مدخل

برنجی مبحث

(موسیقی) نك تعريف ، نظريه نك تدوينی ، بادیسی ، غایتی .

(موسیقی) نك تعريفی — اسکی تورك موسیقی نظریه جیلری (علم موسیقی) نك مختلف صورتده تعریف ایتشلردر . بوتعریفارک اك مشهوری (ابن سینا) نك (كتاب الشفا) نامنده کی اثرنده مندرج وترجه سی آتیده محررتعریفدرکه مشارالیه دن صوکره کلن برچوق شرق مؤلفلری طرفدن قبول و عیناً اثرلرینه نقل ایدلشدیر ؛ (موسیقی) برعلم ریاضیدرکه بو علمده نغماتک نهوجهله ترکیب وتالیف ایدیلرسه طبیعت انسانیه نك اونغمهلردن تلذذویاتفر ایده جکندن ، و«لحن»ك Melodie نه صورتله تالیف ایدیله جکی ییلنمك ایچون نغمهلر آره سنه کیرن «زمانلر»ك احوالندن بحث اولنور . شوتعریفه نظراً شرق مؤلفلری (علم موسیقی) نی اساساً ایکی قسمه آیرمشلردیر ؛ برنجی قسمده ، موسیقی نغمهلرینك باشلی باشنه احوالندن ، بونغمهلرک سمعه ملایم کلمک اوزده نه صورتله برآره به کتیر یله بیله جکندن بحث اولنشدیرکه بوکا (علم تالیف Composition) ؛ ایکنجی قسمده ، نغمهلرک آره سنه کیرن زمانلرک احوالندن یعنی هر نغمه نك اوزونلوق و قیصه لوق اعتبار یله حائر اوله جنی مقداردن بحث اولنشدیرکه بوکاده (علم ایقاع Rhythmopée) ناملری ویرلشدیر .

متأخر ومعاصر مؤلفلرمزك اثرلرنده کی تعریفار ایسه یکدیگرندن پك آفرقلی عبارهلرله یازلش وموسیقی علمنی همانده (ابن سینا) کی تعریف ایتیکده بوللش اولدقلرندن بورایه نقللرینه لزوم کوروله مشدر .

غرب مؤلفلرینه مراجعت ایدرایسه هک هر مؤلفك (موسیقی) نی کندی نقطه نظرینه کوره تعریف ایتدیکنه شاهد اولورز . باشلرنده فرانسمز حکیم مشهوری (ژان ژاق روسو) اوله رق اوروپا موسیقی شناسلرندن برقمسی (موسیقی) نی : (نغماتی قوللاغه لطیف برتأثیر حاصل ایده جک صورتده ترکیب ایتمکدن بحث ایدر بر صناعتدر) عباره سیله تعریف ایتشلردر .

حال بوکه بعض مؤلفلر موسیقینك (متفاوتات Dissonances) دینیلن

نغمات غیرملایمه واسطه سیله سامعینده نفرت ، دهشت ، استکراه ... کی ناخوش دویغولر اویاندرمغه مقتدر اولدیغنی وبوتعریف اقتضاسنجه موسیقینك اك زیاده شایان حیرت و سائط تأثیریه سندن اولان برقم نغمهلرک موسیقیدن معدود اولماسی لازم کله جکنی دوشونهرک (ژان ژاق روسو) نك تعریفه بحق اعتراض ایتشلردر .

آلمانیاك اك بیوک حکما سندن (فانت) ، موسیقی نی : (نغمات واسطه سیله برطاقم لطیف حسلری افاده ایتکی اوگره تن بر صناعتدر) طرزنده تعریف ایتش ایسه ده موسیقی ، هر زمان لطیف حسلری افاده ایتدیگندن بوتعریف دخی حسن قبوله مظهر اوله ماماشدر .

غرب مؤلفلرینك اثرلرنده (موسیقی) نك داهای بشقه درلو تعریفلری واردر ؛ بونکله برابر بوتعریفارک ایچندن کز زیاده مقبول اولانی شواوچ تعریفدرکه صاحب لرینك اسملرنی علاوه ایدرک بروجه زیر ترجمه ونقل ایدیورز :

۱ — موسیقی ، قوه ناطقه نك تمامیه افاده به مقتدر اوله مدیغنی بعض فیکرلری ، دویغولری نغماتک تعاقب وترکی واسطه سیله افاده ایتک ایچون انسانلره موهبه فطرت اولان برلساندر . (ژ . دورتیغ — J. d'Ortigue)

۲ — موسیقی ، قوه ناطقه نك قدرتی بر معاونی مقامنده اوله رق ذکی وبرفطرت ممتازه ایله متخلق بولن انسانلری نغمات ایله حصه دار تأثر ایتک صناعتیدر . (برلیو — Berlioz)

۳ — موسیقی ، نغمهلرک امتزاج وترکباتی واسطه سیله تأثیر بخش اولوق صناعتیدر . (فیتس — Fétis)

(موسیقی) نی تعریف خصوصنده شرق و غرب مؤلفلری آره سننده کی نقطه نظر فرقنک نهدن عبارت بولندیغنی بالاده مندرج تفصیلاتدن آکلاشمشدر ظننده یز . شرقیایرجه منحصرأ «نغمات ملایمه» موسیقیدن معدود اولدیغنی حالده عربیلر «نغمات متنافره» نی دخی موسیقی حدودی خارجه چیقارمه مشادرر . حتی (علم آهنگ) دن باحث کتابلرده (آهنگ متنافر — Harmonie dissonante) سرلوحه لی برقم مخصوص واردرکه اوراده عریض وعمیق «متنافر نغمهلر»ك اصول ترکیب وتمز یچندن بحث اولنور . بوکا سبب ایسه غربده موسیقینك تیاتروییه تطبیق ایجاباتندن اوله رق مختلف حسیات بشریه نك موسیقی ایله تصویرینه چالیشمقده اولماسیدر ؛ مثلاً برحس عاشقانه ویا بر فکر نیاز مندانه یی افاده ایدن لطیف ، روح نواز نغمهلرله بر فاجعه نك اك

مدھش بربری شہسز تصور اولئہماز . بولہ پرلده غرب بستہ کارلری بالضروره
« متناظر نغمہ » استعمال ائمکده درلر . بزده دخی بوبلده اثرلر بستہ لہجک
اولور ایسہ شرق بستہ کارلرکده عینی نغمہلری قوللانہ جقلری طبعیدر .

(موسیقی) نك نظریاتی - (موسیقی) صنعتک نظریاتی ابتدا نہ سورتلہ نبیث
ایدیلہرک بر (علم) حالده جمع وتدوین ایدلشدر ...

بوسؤلك جوابی ویرمک ایچون بعض مؤلفلر دولو فرضیلہر سردا ایشلردر .
حقایق احوال ایله هیچ رمناسبی اولیان بوفرضیلہر کورہ موسیقی نظریاتی برطاقم
حکماوریاضیون طرفدن کندی حجرۂ مساعیلرندہ دوشولش ونظم ایدلش دساتیر
وقواعددن باشقہ برشی دکل ایش ! بوفرضیلرک دوعربللی تسلیم ایدیلہجک اولسہ ،
انسانلرک موسیقی نظریہ جیلری طرفدن تعین وترتیب ایدیلن نغمہلرہ سازلری
وسلرلی وایدیرہرق صنئی وغیرطبیعی راسول ترنم وتغنی احداث ایتدکارینہ یانفاق
لازم کارکیرہ نفس الامرہ کلیاً غیر مطابق بر فرضیلہر . مثلاً (حجاز) مقامک ،
موسیقی نظریاتی تدوین ایدلہدن چوق زمان اول ممالک شرقیہدہ معلوم ومتداول
اولدیفنہ شہہ یوقدر ؛ احوالہ نظریہ جیلرک وظیفہ سی ، بو مقامک ترکیبہ داخل
اولان نغمہلر آرہ سندہ کی نسبتلری اولچوب بولمق ، طرز تلحیظندہ موسیقی علمہ
جیلری طرفدن رعایت ایدیلن قواعدی ضبط و ربط آلتہ آلفدن باشقہ برشی
اولہمہ جچی درکاردر .

ذاتاً (خواجہ عبدالقادر مراغی) مرحوم (جامع الاحان) اسملی کتابتہ درج
ایتدیکی فقرہ مخصوصہ ایله بالادہ کی سؤالہ غایت منطقی وقتاعت بخش بر جواب ویرمیشدر .
مشارالہک بیاناتندن مستفاد اولدیفنہ کورہ ہر صنعتک عملیاتی نظریاتہ تقدم
ایتدیکی کی موسیقینک نظریاتی دخی عملیاتندن استخراج ایدلشدر ؛ کرک آلات
موسیقہ وکرک صوت انسانی ایله اجرا ایدیلن الحان لطفہ کی حکمای سالفہ تدقیق وتحلیل
ایشلر ، بو تحلیللات نتیجہ سندہ نغمہلر ییئندہ موچود و جاری اولان علمنی نسبتلر
وطبیعی قانونلر بربرکشف ایدلش ، ونہایت بونسبت وقانونلرک برآرہ کی کتیرلہ سندن
دخی (موسیقی نظریاتی) میدانہ کلشدر .

باشقہ علملرک صورت تدوینیہدہ عینی طرززدہ وقوعہ کلشدر ؛ مثلاً (شعر)
دیدیکمز کلام موزونک نظریاتی حکمندہ اولان (علم عروض) ، شاعرلرک سوق
مابستہ بولہ دکاری موزون سوزلردن چیقارلشدر . دیماک کاولا (شعر) بولہ یلر
ظہور ایش ، مؤخر أبض مدققلر بومنظوم وموزون سوزلردہ برآہنک بولندیفنی

کورہ رک بولک اسبابی تحری ایشلر ؛ اووقت شعرده حس ایتدکاری آہنک وانسجامک
کلمہلرہ کی حرکات وسکناتک مطرد ومنظم برصورندہ توانیلندن ایلری کلدیکی
آ کلایرق (علم عروض) ی تدوین ایشلردر .

(موسیقی) نك موضوعی - ہر علمک موضوعی اولدیفنی کی (موسیقی) نك موضوعی دہ
(نغمات) در . زیرا بوعلمدہ (نغمہلر) ک احوالندن و تالیف الحان ایچون بونغمہلر
آرہ سندہ وجودی الزم اولان منتظم ومقبول عددی نسبتلرک نغمہلرہ نہ وجہلہ
اقتراان ایدہ جکندن بحث اولنور .

(موسیقی) نك مبادیسی -- (علم موسیقی) نك مبادیستہ کلنچہ ، بو مبادی
قبلاً (علم حکمت طبیعیہ) ، قبلاً (علم حساب) ہ تعلق ایدر . (صوت) ک تعریفی
ایلہ صورت حصولی وسامعہ و صولتک سببی ، تیزلک و بستلک نەدن ایلری کلدیکی
بیان وایضاح ایدن مباحث ، موسیقی علمنک (مبادی حکمیہ) سی ، و آتیا کورہ جکمز
وجہلہ ہر ایک نغمہ آرہ سندہ بولتان عددی نسبتلرک احوالندن بحث ایدن قسم دخی بوعلمک
(مبادی ریاضیہ) سی تشکیل ایدر وبومبادی کی آ کلایہ بیلیم ایچون براز (حکمت
طبیعیہ) نك (صوت) بحثنہ ، برازدہ (علم حساب) ہ آشنا بولمق لازمدر .


(مبادی موسیقی) نك قبلاً (علم ہندسہ) ایلہدہ مناسبتی واردر ؛ مثلاً (تیزلک
وبستلک) اعتباریلہ نغمہلرک بربرندن فرقلی اولہمی ، اونغمہلری چیقاران تلارک
اوزونانی ، قیصہ لئی نتیجہ سیدر (دیدیکمز وقت «مقدار» دن بحث ایش اولورزک
(ہندسہ) نك موضوعی دخی «مقدار» در .

(موسیقی) نك غایق - (علم موسیقی) نك غایق ، نظری اولہرق اکتساب
ایدیلن معلوماتی موقع تطبیقہ قویہرق بعضاً لطیف ونشئلی ، بعضاً حزن ومؤثر ،
بعضادہ مختلف حیسات بشریہ کی تصویر ایدن الحان ایلہ سامعہ کی تاذیذ ، فکری متحس ،
روحی متہیج قیلقدن عبارتدرکہ ایوم مدنی احتیاجلرک مکملری صرہ سنہ کچمشدر .

(سؤاللر)

تورک نثارہ جیلری (علم موسیقی) کی ناسل تعریف ایشلردر ؟ - بوتعریفارہ کورہ (موسیقی)
علمی اساساً فاج قسمہ آریلر ؟ و بو قسملرک اسملری نہ در ؟ - مختلف غرب مؤلفلری
(موسیقی) کی بوبلہ تعریف ایشلردر ؟ - (موسیقی) کی تعریف خصوصندہ شرق و غرب
مؤلفلری آرہ سندہ کی نقطۂ نظر فرق نہ دن عبارتدر ؟ - (موسیقی نظریاتی) ناسل تدوین
ایدلشدر ؟ - باشقہ علملر و مثلاً (عروض) علمی دہ بوبلہ کی وجودہ کلشدر ؟ - (موسیقی) نك
موضوعی نہ در ؟ - (موسیقی) نك مبادیسی ہاکی علملرہ علاقہ دار در ؟ - (موسیقی) نك
غایق نہ در ؟

الجزای فردیسی غایت سریع بر حرکت اهتزازیه ایله متحرك بولور ؟
بوحركت توقیف ایډیله جك اولور ایسه در حال (صوت) ده ایشیدلر اولور .



(شکل ۱)

مثلاً آياقلى بر فانوسك (شكل ۱)
كزینیه بر فیسكه اورور و یاخود بر
كان يانی سورتر ایسهك فانوسك اهتزاز
ایدرك بر (صوت) چیقاردیغی دویارز ؛
لكن پارماغزله فانوسه طوقونه رق
ترمه سنی توقیف ایدر ایسهك
(صوت) كه ده در حال كسیلیدیكى آكلارز .
فانوسك اهتزاز ایتدیكى باشقه تجربه له ده
اثبات نمكندر ؛ مثلاً فانوسك كناریسه
كوچوك خفیف بر رقاص یا قلاشدر یولور
ایسه بورقاصك فانوسه تماس ایتدیكه
شدتله دفع ایددیكى كوریلور كه بوحادثه دن ده فانوسك حالت اهتزازیه ده بولوندیغی
ثابت اولور .

بركانك تلندن سس چقمه سی ایچون او تل اورته سندن طوتیلوب بر طرفه
چكلكدن صوكره بردن بره راقیلر ایسه تلك موازنت وضعیتك هر ایكى طرفته
کیدوب كله صورتیه اجرا ایددیكى حرکت اهتزازیه كوزله پك اعلی كوریه بیلیر .
مع مافیه بونی دیگر بر صورتیه دخی تجربه ایده بیلیرز . (شكل ۲) ده كورولدیكى
وجهله ایكى اشيك آره سنه بر تل كره لم ؛ بو تلی موازنت وضعیتدن بر طرفه چكرك
كندی حالت ترك ایدر ایسهك اورته یرندن قیامش كبی بر حالحه كورورزكه تلك
بومنتظر می متوالاً و سریعاً ترمه كده اولدیغنه دلیلر :



(شكل ۲)

شایان دقتدركه عینی تلك اوزرینه بر طاقم كوچوك كاغد پارچهلری اصلهش
ایسه آنلرده تل ایله برابر شدتله ترمه كه باشلارلر و یاخود تلك اوزرندن بسبتون
آشانی دوشلرل ؛ آنجق تلك ایكى اوجی حرکت اهتزازیه دن محروم اولدیغندن
اورالرده كی كاغد پارچهلری دوشملرل .

ایکنجی مبحث

(موسیقی نك مبادی حکمیسی)

(علم موسیقی) نك مبادیسی قسماً (علم حکمت طبیعی) نك (صوت) بجنیه
علاقه دار اولدیغی یوقاریده سوله مش ایدك . بناء علیه (صوت) بجنك ، موسیقی
علمك « مبادی حکمیسه » سنی تشکیل ایدن و بر موسیقی شناس ایچون بیلمه سی الزم
اولان قسملری بومبجده خلاصه نظر تبعدن کیره جکز .

« عضو سمع » اولان قولاغك داخلی قسمنده منحصرأ احتساسات صوتی بدن
متأثر و دماغه یالکز بو احتساساتی نقل و ایصال استعدادی حائر برسیکیر واردركه
بوکا طیبیلر (عصب سمی Nerf acoustique) دیرلر ؛ ایشه بو « عصب سمی »
واسطه سیله قولاغك حس ایتدیكى هر حادثه یه علی الاطلاق « صوت » ، و کندی سندن
« صوت » چیقان و یا چیقما سی ممکن بولنان هر جسمه ده (جسم متصوت) ناملری و بریلور .
(علم حکمت طبیعی) نك « صوتلری » ی تدقیق ایدن و صوتلرك نه کی
قانونلره كوره حصوله كلدیكندن و نه صورتله انتشار ایتدیكندن بحث ایدن قسمنه
(مبحث صوت Acoustique) تسمیه اولنور .

علی العموم صوتلر ، (صوت موسیقی) و (غمغه) اسملری آلتنده ایكى
صنفه آریلیر . (صوت موسیقی) ، الحان شناسلرجه قیمت موسیقیه سی تقدیر
و تعیین اولنه بیله جك قادر امتداد ایدن صوت در .

(غمغه) ایسه بالعکس ایشیدنلر اوزرنده آرزوق مبهم بر تأثیر حصوله کنن
و موسیقیده مستعمل نغمات آره سنده کندیلرینه بر موقیع و برله مین « کورولتی »
نوعندن بر طاقم صوتلردر . بونلرك بر قسمی مثلاً بر طوپك آتله سندن چیقان سس کی
عنف و شدتله حصوله كن ناکهانی کورولتیلردر ؛ دیگر قسمی ده مثلاً كوك
کورله مه سندن و یا دالغه لرك قیالره چارمه سندن ایشیدیلن کورولتیلر کی یکدیگر یله
اتحاد ایتمین آهنگسز و غیر منتظم سسلردن عبارتدر .

§

(صوت) ك صورت حصولی — (صوت) ، اجسام متصوته ك حرکت
اهتزازیه سندن حاصل اولور . بر جسمدن (صوت) حاصل اولدیغی وقت اوجسمك



مقدمه دن اول برقاچ سوز

تورکیده بوکونه قادر (موسیقی نظریاتی) نامی آلتنده متعدد کتابلر نشر اولنش ایسهده بونلرک برقمی غرب موسیقیسی نظریاتدن باحث اجنبی اثرلردن ترجمه ایدیلرک تورک موسیقیسیله بالطبع هیچ مناسبتی بولمیا قواعدی عیناً احتوا ایتمکده، برقمی ده ربع عصر دن بری غزته لرده ورسائل موقوتده نشر ایتدیکم مقاله لره اوتسنندن بریستندن اقتباس اولنلر ق بر آره یه کتیریلن و موسیقیمزک کندیسنه مخصوص نظریه سی حقیقده قارئلره - ولوکه مختصر اولسون - بر فکر دخی ویرمه یین ناقص و متفرق برطاقم معلوماتی مشتمل بولمقده در .

بلا تردد ادعا ایدیلر بیلرک حقیقی تورک موسیقیسنک دقیق نغمه لرلی ، روح پرور مقاملرلی ، متنوع و منتظم یقاعلرلی ، و بواوچ عنصر اساسینک استناد ایتدیکی و یکدیگر یله برلشمه سنک تابع بولندی قاعده لرلی تمایله علمی و عصری اصولره توفیقاً ایضاح ایدن الله بر کتابمز موجود دکدر .

فن و علم شعبه لرینک هر برینه دائر جداً قیمتدار اثرلره مزین بولنان ملی کتبخانه مزک (موسیقی) کبی مدنی احتیاجاتک برنجیلرندن اولان عالی بر علمه ، وبالخاصه بوعلمک (تورک موسیقیسی) عنوانی تحتنده کی مستقل و ممتاز بر مجتته متعلق نظری و عملی معلوماتی جامع کوچوک بر اثره بیله مالک بولنلرمسی بزم ایچون نه قادر موجب تأسف بر محرومیت اولدینی شه سزدر .

شرقهده و غریبه بئشن موسیقی علماسنک الکاسکی والکیکی مؤلفاتی اوزرنده یالغش اوزون نغمه لرک محصورلی اولان بواثر ناچیزک تحریر و نشر نمه کی مقصد ، ملی کتبخانه مزک ایشته بومهم بوشلغنی علی قدر الامکان دولدیر مقصدن ، و بوسیله ایله سوکی ملتکم صنایع نفیسه ساحه سنده کی مستثنی قابلیتی و بدیعی دهاسنی الک زیاده تمثیل ایدن سامعه نواز موسیقیسنک یار و اغیار نظر نده حقیقی وجهله آکلاشلماسنه عاجزانه خدمت ایده بیلمکدن عبارتدر . صحائف آتیه ایله استحصال مقصده موفق اوله یلیر ایسه م شمدی به قادر بواو غورده اختیار ایتدیکم مادی و معنوی فدا کارلقلرک مکافاتنی کورمش اولورمک بویله بر مظهریت ، بنجه مکافاتلرک الک قیمتداریدر . . .

ر . ی .

تورک موسیقیسی نظریاتی

مقدمه

موسیقی بر لساندر

نوهت ! موسیقی ، اول امرده بر لساندر ؛ همده الک مکمل لسانلردن زیاده تصویر و احساس قدرتی حائر بر لساندر . کرچه تصویری مطلوب اولان موضوعی تعیین ایده بیلمه سی اعتبار یله موسیقی ، الک ابتدائی لهجه لر دن بیله داها مهم و داها غریمعین و مسائله مجهز بولمقده در ؛ آنجق بوکا مقابل ، افاده قابلیتده اوله برشته ، هیجان احساسنده اودرجه بر اقداره مالکدرکه تکلم اولنان لسانلردن هیچ بری بوباید موسیقی ایله رقابت ایده مز .

لسانلر ایله موسیقی آره سنده برچوق جهتلردن مشابیه و مناسبت وارددر . فی الحقیقه بئون لسانلر کبی « لسان الحان » اولان « موسیقی » نکده متنوع تکلم طرزلری بولندیقنی کور یورز ؛ قبا و عوامه مخصوص بر موسیقی اولدینی کی خواصده کندیلرینه مخصوص یوکسک و طمانه بر موسیقی ایله علاقه دار اولمقده در . کذلک موسیقی لساننک املا قاعده لرلی ، اشتقاق اصوللری ، صرف و نحو قاعده لرلی اولدیقندن بولسانده آرز چوق بر مکملیتله تکلم وینه آرز چوق دوغریلقه تحریر اوله بیلیر .

موسیقی لساننک تحصیل دیگر لسانلر ککنه پک زیاده بکزه در : کوچوک یاشندن اعتباراً موسیقی اوکر نه که باشلایانلر بونی قولایلقه الله ایتدکاری حالدیه یاشلری ایلر یله دکن صوکره بونه انتساب ایدنلر چوق مشکلاته تصادف ایدرلر و نهایت حقیقه برشی اوکر نه میهرک اکثر یا تحصیللرینی یاری یوله بر اقیلرلر . بئون لسانلر کبی (موسیقی) ده یا « عملی » و یا « نظری » اوله رق تعلم ایدیلیر .

(موسیقی) نک ثروت و تنوع جهتیله پک عالی درجینی حائر خصوصی ادبیاتی موجوددر . ادبیاتده « ادیب » لک موقعی نه ایسه موسیقیده دخی « بسته کار » عینی موقعی اشتغال ایدر . خواننده و سازنده لکده مهارتک الک یوکسک مرتبه سنه ارتقا ایدن « موسیقارلر » ایسه (Virtuosos) ، شعر انشاندنه



اتحاد


تورك موسيقيسى نظرياتندن باحث اوله رق لسانم زده برنجي دفعه
يازيلان بواثري موقع انتشاره چيقار ركن ملي موسيقيم زك مستند
اولديني نظري قاعده لر حقنده مؤلف عاجزه ايلك فكرلري
ويرمش اولان خواجه ادراك وعرفانم سابقا (يكي قپو) مولويخانه سي
شيخى مرحوم (جلال الدين) افنديك مقدس خاطره سنى لسان حرمتله تعزير و تجليل
ايمكي وجداني بر وظيفه عد ايلرم .

چكن سنه دن اعتباراً (دارالاحان) ده دخي تدريس ايدلمكده بولنان (تورك موسيقيسى
نظرياتي) ، ايكي سنه مقدم مرحوم مشاراليهك حفيدى و درگاه شريفك پوست نشين
لاحق (عبدالباقي) افندى حضرتلرينك مخدومي غوثى افندى يه او قوتلق اوزره
تاليف و بومنا - بتله (رساله غوثيه) توسيم فلنمش ايدى .

بناء عليه ، اصل اسمى (غوثيه) اولان بو كتابى - جدمكرملرندن ايتديكم
بي بايان استفاده لرمك وجيبه شكراتى ايفا ايچون - حفيد نجييلري تليد كزتم
غوثى افندى يه اتحاد ايدىورم .

رؤف يكتا

بكارى ۹ تمبر اول ۱۳۴۰



STANBUL
KÜLTÜR
ŞEHİR
KÜTÜPHANESİ
KİTAPLIĞI